

RIJEČ UREDNIKA

Poštovani čitaoci i saradnici našeg časopisa, zaista sam istinski sretan što ponovno hvatamo godišnji ritam izlaženja časopisa i time vam možemo pružiti uslugu kakva vam je od jednog naučnog i stručnog časopisa potrebna, a kakvu kao naši vjerni čitaoci zaslužujete i pretpostavljam očekujete. Tim urednika je na čelu s izvršnim urednikom, uložilo izniman trud da ovaj broj ima posebnu snagu i kvalitet, ali bez vaših radova ne bismo uspjeli i dobro je da smo dobili više nego što smo ih mogli objaviti.

Vjerujem da i vas to iskreno raduje i da će autori čiji radovi čekaju na red za objavljivanje imati razumijevanja i strpljenja malo pričekati, jer ipak smo brojem radova još uvijek veoma ograničeni.

Svakako bih zahvalio našim brojnim uglednim recenzentima koji su nam protekle godine posvetili dio svog dragocjenog vremena i truda da bi vaši radovi dobili potrebnu naučnu i stručnu ocjenu. Stoga im u svoje ime, u ime uredništva, i vjerujem da neću pogriješiti ako kažem, u vaše ime, najljepše zahvaljujem.

Nastavljamo sa prikupljanjem novih naučnih i stručnih radova i vjerujem da će vrlo brzo izaći i sljedeći broj.

Srdačan pozdrav,

Glavni i odgovorni urednik
Fuad Bajraktarević